



Na osnovu Budžeta Općine Lukavac za 2021. godinu („Službeni glasnik Općine Lukavac“ broj: 3/21), člana 24. Odluke o izvršenju Budžeta općine Lukavac za 2021. godinu („Službeni glasnik Općine Lukavac“ broj: 3/21 i 5/21), Odluke o dodjeli stipendija učenicima i studentima i učenicima i studentima uspješnim sportistima sa područja Općine Lukavac za 2021. Godinu („Službeni glasnik Općine Lukavac“ broj: 6/21), člana 6. stav 2. Pravilnika o kriterijima za dodjelu stipendija učenicima i studentima („Sl. glasnik Općine Lukavac“, broj: 6/21) i člana 2. Pravilnika za dodjelu stipendija učenicima i studentima uspješnim sportistima („Sl. glasnik Općine Lukavac“, broj: 6/21), Općinski načelnik dana **16.06.2021. godine**, objavljuje

JAVNI KONKURS

za dodjelu stipendija učenicima srednjih škola i studentima
sa područja općine Lukavac u budžetskoj 2021. godini

I

Objavljuje se javni konkurs za dodjelu 130 (stotintrideset) stipendija za školsku/akademsku 2020./2021. godinu (budžetsku 2021.), kako slijedi:

- 55 (pedesetpet) učeničkih stipendija
- 51 (pedesetjedna) studentska stipendija
- 10 (deset) stipendija uspješnim sportistima učenicima općine Lukavac
- 6 (šest) stipendija uspješnim sportistima studentima općine Lukavac
- 4 (četiri) stipendije učenicima, osobama sa invaliditetom
- 4 (četiri) stipendije studentima, osobama sa invaliditetom

II

Stipendije se dodjeljuju za vrijeme trajanja jedne školske/akademske godine, tj. za 9 mjeseci i iznosi:

- za učenike i učenike uspjezne sportiste 50,00 KM (pedeset KM) po mjesecu,
- za studente, studente uspjezne sportiste i studente i učenike osobe sa invaliditetom 100,00 KM (stotinu KM) po mjesecu.

Pravo prijave na konkurs imaju učenici srednjih škola i redovni studenti na dodiplomskom i postdiplomskom studiju.

Stipendije se dodjeljuju na osnovu uspjeha ostvarenog u prethodnoj školskoj/akademskoj godini (školskoj/akademskoj 2019./2020. godini).

III

Pravo na dodjelu stipendija bez bodovanja ostvaruju učenici generacije za školsku 2019./2020. godinu iz osnovnih i srednjih škola sa područja općine Lukavac i studenti sa područja općine Lukavac sa prosječnom ocjenom 9 (devet) i više.



Učenici generacije za školsku 2019./2020. godinu iz srednjih škola će se dobrovoljno odlučiti da li će konkurisati za stipendiju učenika generacije ili za studentsku stipendiju.

Učenici generacije osnovnih škola koji su taj status stekli u školskoj 2020./2021. godini pravo prijave na javni konkurs ostvaruju u slijedećoj budžetskoj godini.

Apsolventi nemaju pravo na dodjelu stipendije.

Stipendije se dodjeljuju proporcionalno po razredima, odnosno godinama studija. Ukoliko iz jednog razreda ili godine studija nema dovoljan broj kandidata, stipendije će se dodijeliti učenicima/studentima drugih razreda/godina studija.

IV

Opći uslovi za dodjelu stipendija učenicima i studentima su:

- da je kandidat državljanin BiH,
- da kandidat ima prebivalište na području općine Lukavac,
- da je kandidat redovan učenik/student koji je prvi put upisan u tekuću školsku/akademska godinu,
- da nije korisnik stipendije po drugom osnovu,
- za učenike prosjek ocjena 4,00 i više i za studente prosjek ocjena 7,00 i više,
- da kandidat nije stariji od 26 godina i da nije u radnom odnosu.

Uz prijavu na javni konkurs za dodjelu stipendija, kandidati su dužni priložiti:

- kućna lista,
- ovjerena Izjava da kandidat nije korisnik stipendije po drugom osnovu,
- CIPS obrazac, ne stariji od godinu dana,
- potvrda škole/fakulteta o statusu redovnog učenika/studenta,
- za učenike I (prvog) razreda srednje škole, svjedočanstvo o završenom devetom razredu u školskoj 2019./2020. godini i uvjerenje o prosjeku ocjena,
- za učenike ostalih razreda srednje škole, svjedočanstvo o završenom prethodnom razredu i uvjerenje o prosjeku ocjena,
- za studente I (prve) godine fakulteta, svjedočanstvo o završenom razredu srednje škole u školskoj 2019./2020. godini i uvjerenje o prosjeku ocjena u završnom razredu,
- za studente ostalih godina fakulteta, uvjerenje o prosjeku ocjena iz prethodne godine studija ,
- za studente drugog ciklusa studija uvjerenje visokoškolske ustanove o svim položenim ispitima tokom cjelokupnog prethodnog studija sa izvedenom prosječnom ocjenom uključujući i dokaz da nisu u radnom odnosu (uvjerenje nadležne službe za zapošljavanje ili nadležne poreske uprave ukoliko lice nije prijavljeno na evidenciji službe za zapošljavanje),
- za studente I i II ciklusa studija rodni list (ne mora biti ovjerena kopija),
- dokaz o statusu i primanjima za sve članove domaćinstva (za zaposlene uvjerenje pravnog lica o prosjeku posljednje tri mjesečne plaće; za privatne poduzetnike uvjerenje nadležne porezne ispostave o izmirenim poreznim obavezama vlasnika samostalne djelatnosti i uvjerenje o ostvarenom dohotku za prethodnu godinu; za penzionere kopija posljednjeg čeka od penzije; za nezaposlene uvjerenje nadležne službe za zapošljavanje; za nezaposlene koji nisu na evidenciji Službe za zapošljavanje uvjerenje nadležne porezne ispostave o statusu osiguranja; za redovne učenike/studente uvjerenje o statusu učenika/studenta; za članove domaćinstva mlađe od 6 godina koji ne pohađaju osnovnu školu, kopija izvoda iz matične knjige rođenih, bez dodatnog ovjeravanja i neovisno od datuma izdavanja),
- uvjerenje o pripadnosti nekoj od boračkih kategorija,
- uvjerenje Centra za socijalni rad o priznavanju statusa civilne žrtve rata ili statusa korisnika stalne socijalne pomoći ,
- učenici osobe sa invaliditetom su obavezni dostaviti Rješenje o stepenu invalidnosti od „Centra za socijalni rad“,

- potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (**NE DOSTAVLJATI KOPIJU RAČUNA**).

V

Opći uslovi za dodjelu stipendija učenicima i studentima uspješnim sportistima:

- da je kandidat državljanin BiH,
- da kandidat ima prebivalište na području Općine Lukavac,
- da je kandidat redovan učenik/student koji je prvi put upisan u tekuću školsku/akademsku godinu,
- da nije korisnik stipendije po drugom osnovu,
- da je član sportskog kluba sa područja Općine Lukavac,
- da se aktivno bavi sportom,
- da kandidat nije stariji od 26 godina i da nije u radnom odnosu.

Uz prijavu na javni konkurs za dodjelu stipendija sportistima, kandidati su dužni priložiti:

- CIPS obrazac, ne stariji od godinu dana
- uvjerenje od škole/fakulteta da je učenik/student upisao školsku/akademsku godinu u statusu redovnog učenika/studenta, sa prosjekom ocjena za prethodnu akademsku/školsku godinu,
- izjavu kandidata da ne prima stipendiju po drugom osnovu,
- za studente/učenike sportiste Rješenje o registraciji kluba čiji su član,
- uvjerenje sportskog kolektiva da je aktivan i uzoran sportista sa navedenim rezultatima,
- kućnu listu izdatu od nadležnog organa.
- **potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU RAČUNA)**.

VI

Uz prijavu na javni konkurs za dodjelu stipendija, učenici generacije i studenti sa prosjekom ocjena 9 (devet) i više kandidati su dužni priložiti:

- ovjerena Izjava da kandidat nije korisnik stipendije po drugom osnovu,
- CIPS obrazac ne stariji od godinu dana
- potvrda škole/fakulteta o statusu redovnog učenika/studenta,
- dokaz kojim kandidat potvrđuje da pripada jednoj od dvije navedene kategorije (da je proglašen učenikom generacije ili da ima prosjek ocjena 9,00 i više – uvjerenje o prosjeku ocjena),
- **potvrda banke o broju transakcijskog računa na koji će se vršiti uplata, ako će se uplata vršiti na transakcijski račun roditelja djeteta dostaviti i kopiju lične karte roditelja (NE DOSTAVLJATI KOPIJU RAČUNA)**.

VII

Javni konkurs ostaje otvoren 15 (petnaest) dana od dana objavljivanja, a isti će biti objavljen na oglasnoj ploči i web stranici općine Lukavac.

Komisija za dodjelu stipendija razmotrit će pristigle prijave na javni konkurs, sačiniti zapisnik o radu, izvršiti bodovanje i utvrditi privremenu rang listu kandidata koji ispunjavaju uslove propisane javnim konkursom.

Privremena rang lista kandidata za dodjelu stipendija objavljuje se na oglasnoj ploči i web stranici općine Lukavac.

Na privremenu rang listu može se izjaviti prigovor drugostepenoj Komisiji Općinskog vijeća u roku od 8 (osam) dana od dana objavljivanja iste.

Odluku po prigovoru drugostepena Komisija donosi u roku od 7 (sedam) dana. Odluka drugostepene Komisije po prigovoru je konačna.

Nakon rješavanja prigovora, Općinski načelnik utvrdit će konačnu rang listu kandidata za dodjelu stipendija, koja se objavljuje na oglasnoj ploči i web stranici općine Lukavac.

VIII

Neblagovremene i nepotpune prijave neće se uzeti u razmatranje.

Za sve dodatne informacije obratiti se na telefon broj: 035/366 – 733.

Prijave na javni konkurs sa dokumentacijom dostaviti na adresu:

Općina Lukavac – Općinski načelnik
Komisija za dodjelu stipendija
Trg Slobode br. 1, 75300 Lukavac

ili lično u šalter sali općine Lukavac (šalteri 8 i 9), svakim radnim danom od 07 – 15:30.

Broj: 02-02-2392/21
Lukavac, 15.06.2021. godine

Pomoćnik Općinskog načelnika
Emir Kasumović, dipl.pravnik

Na osnovu Rješenja Općinskog načelnika
broj 02-30-2369/21 od 11.06.2021. godine
pomoćnik Općinskog načelnika
Emir Begić